



THEPNA (Temptation)

Kum leh tha, hun leh phatte chiajel in Pathian hepina zal in Khristian masa, pi leh pute apat Beigual tha i la matsek uh September tiang i tung kit tau a, ei puitu Pathian chu lopina chang ta hen!

Gingtute a dinga melma lianpen leh hat pen chuh THEPNA hi ahi. Zia chu mihing lungthim a i duthusam leh i lungelte haw ah hung kipan sek ahi. Pathian chate chung a hung tung sek thepna leh patepna tamtak Bible ah mu ding a um hi. Thepna leh Patepna hi gingtute'n i hiat khen thiam seklo ziakin tamtak in ginna lam ah i basap khawlaw sek un, zia hi da um tak a hi.

Thepna hi Setan apat hung kipan ah mihiamte lungthim in a suangtuana dungzui ah sukpitin ah hung um sek chu ahi. Patepna hi ahileh vang Pathian apat hung kipan, Ginna leh thawkhatna ziaka gingtute'n Pathian lopi zia i suklat theina ding ua, i chung ua hung tung sek chu ahi. Tulai gingu tamtak hin, thepna hi i tuak phat ua leh Pathian apat patepna guala i lak ziang sek uh hi, i bawl khial uh liantak pakhat chu ahi.

Ziaziakachun, gingtute chung a Setan in thepna mangana a sep sek dan hi I Lalpa'u Jesu, Setan in ala thepna point haw a kipat in chithum(3) in vak en khawm hitiu.

(i)I taksap leh imamawte mangin ei them sek hi(Mat.4:3).

I Lalpa'u Jesu ni 40 leh zan 40 An angawl zaw a khan a Pathian hina um zing maleh a mihing hina dawl in a gil ahung kial tan, zia hun ah chun ama a dinga a taksap leh a mamaw pen chu Bang ahem khat vak nek ah kisukva ding ahi. Zia hunlai tak chu Setan in lem changa mangin, Pathian chapa la hi leh zia suang hi vaithum suak sak inla ne'n, ti'n ava them ahi. Zia gual ma chun Unau, nangle la taksap leh la mamaw penpente mangin Setan in Pathian phatsan dingin hun them sek ahi ti kha hezing in, Lal Jesu gual in Pathian thu ma mangin la melma Setan chu la zaw zel ding a hi.

(ii) Chapona, Kiletsakna leh Kingaisannate mang in ei them sek hi (Mat.4:6).

Setan in Jesu kiangin, “Pathian chapa la hi leh zia Bi-akin sipzum apat hin chawm tha le chun a vansawlchakte hun sawl in tin la keng in suang suikha puanla,” atia. Zia gual chu bawlthei ding hinapi in, Setan ze-etna ahi ti ahiat ziakin, Pathian thu ma mangin “Lalpa la Pathian chu chian kin ti zik a hi” ti’n Setan chungza zawna a chang zel ahi. Unau tuni hin bawlthei la kisakna, chapona, hi kisakna leh midang musit ah mani kingaisannate kha mangin Setan in la awk na dingin Thang kam zing ahi ti hia’n, Khrista zawna he zing in, Setan chu i zozel ding a hi.

(iii) Khawvel lopina leh hawinate mangchan ei them sek hi (Mat.4:9).

Lal Jesu chu Setan in tang sang tak ah a puito ah, Khawvel gam zosia leh a lopinate a etsak ah, Bawkkhup in chibai ei buk inla, zia zosia hi hun pia’ng ka atia, Unau, Khawvel gam hi chu Setan thuneina gam him ahiziakin zia haw zosia chule pethei na’n ah, maleh I Lalpa Jesu dawnhuna gual in, Setan hi eima kianga kipat naw manga, Lalpa I Pathian

bep chibai buk a, ama na bep sem hi i mawpuak uh a hi.

Khawvel lopina leh hawinate thangai tak luatna leh nawpchen nawpnate hi Setan thang ah awk na dinga Anchak phapen te a hi.

Gingtute chungza thepna hi lampi chuam chuam ah tung zing thei himaleh, zia a chungza lam pathum i gente’u hi chu, La lung in a ngaichat, la mamaw leh la lunggelte manga Setan thepna lut theinate ahin, zia chu la zaw theina dingin mani kithunun zo gingu la hi zing a pawimaw hi.

Thepna zotu leh i ginna’u leh subikimtu Jesu lam enjing kawm ah kalsuan i hilo chun i khualzinna’u khawvel ahin gingtute a dingin basap malam ziang theina tam tak umjing ahi. Gingtute tawpna ding chu vangam ahijing lai in, tulai gingu tamtak i tunna ding mun uh tungmanlo ah thepna dozolo ah mangthai den muding i gam ah a tam tak ziakin Khrista zawna mang in thepna zozel ding in panthak lak hun ahitai.

Thepna tuaklo gingu hilo ah, thepna zo zing gingu hi dingin Lalpa’n hun umpi zing ta hen.

.....xXx.....

PHUNGVUKTU KIBELAP ZEL

Pathian mapuina zal in “DAMNA AW” hi issue 7na tiang tungthei ding dinmun ah i um ziak un Lalpa chu pakin um ta hen! Tutiang ahin ngainatu leh Phungvuktu ding kibelapto zel in issue 7na ahin le suklat ding a um kita, ziate chu:-

- (i) Pu. Khamlal of Saipum- **Patron member**
- (ii) T.Upa. Lallawmthang of Saipum -**Encouraging Member**
- (iii) Upa. Kaijuanthang of Tangmual - **Encouraging Member**
- (iv) Pu. Gomang of Tangmual- **Encouraging Member**
- (v) Pu. Kamneilal of Tangmual- **Encouraging Member.**
- (vi) Pi. Kimneihawi of Saipum - **Supporting Member**
- (vii) Pu. Donggen of Saipum-**Encouraging Member.**
- (viii) Pu. Thangneilun of Tangmual-**Encouraging Member.**
- (ix) Rev. Haulalven of Tangmual- **Encouraging Member.**
- (x). Upa. Ginneithang of Saipum- **Encouraging Member**
- (xi). Pu. Kaisawm of Tangmual- **Encouraging Member.**

Zia a chung ah kitak lang malsawmna ziaka na lopi tak mai semte haw zal ahin DAMNA AW hi man tawmcha i la chawkw thei uh ahi ziak in i kipaknau a sang mama ah, a chung un kipakthu i genlo theilo uh ahi. Lalpan a le tamtak in malzawlto jel ta hen! Damna Aw monthly magazine hi tutiang ahin kochuamte’n phungvukna i bawlte’u ziaka hin chiazal i hiu a, kuale phungvukna bawl utte a ding in bangtik lai in le bawlthei zing ahi.

- (i). **Patron member- Kum 3 (three) a ding in. ₹. 3000/-**
- (ii). **Supporting member- Kum 1(one) a ding in ₹. 1000/-**
- (iii). **Memorial Gift- Kum 1(one) a ding in. ₹. 1000/-**
- (iv). **Encourager- Kum 1(one) a ding in. ₹. 500/-**

Chun, sum thawt nuamte a ding in:
A/C name: Khuga Sadar Presbytery(MPCS)
A/C nos: 32483318505
Branch code: 6182, ccpur
CIF nos: 86412486695
IFSC nos:SBIN0006182.

KSP DAIRY:

1. Seminar nei:

Presbyterian Women Fellowship, Tuithanak District chun Dt. 11 August 2018 ni chun Lingsiphai Presbyterian Church ah One Day Seminar a nei ua, zia hun a chun, **“Thiam zilna lam ah cha leh naute etkawl ding dan”** ti thupi nei in resourse person hina tawh Mr. Lianzalal Vaiphei, CEO NESEED FOUNDATION in ziltilna a nei a, **“Thagau lam ah Cha leh Nau, Tu leh Chate etkawlina dingdan”** ti thupi nei in resourse person hina tawh Rev. H.L.Vena, Bialtu pastor, Tuithanak District in ziltilna a nei hi. Zia Seminar ah chun, nupi 70 val a pang un, Upa khenkhat leh District chairman Upa Ginbeth inle a uap thei hi.

Chun, hun chiasa a le Khristian Khanglai Pawl, Tuithanak District in Career Guidance, Tangmual Presbyterian Church in ala nei un, Mr. Lianzalal Vaiphei, CEO NESEED FOUNDATION leh Dr. Kh Thianminlian Vaiphei in ziltilna a nei tau hi.

2. Bible ziksuak kibelapzel:

CKKP vaisaina nuai ah chanchin kipak umtake kibelap zel in Dt 13/08/2018 ni'n CKKP nungak pathum, **Nk Tracy Tinghoithiam d/o Pu Doukholam of Saipum, Nk. Kimhoingah Chongloi d/o Mr Lhunkholam of Leilon leh Nk. Tinglemdawi d/o Upa Khupneimang of Leilon** in khut ngei ah Bible pumpi a hung zik uh chu Office mun in CKKP Gen. Secy Pu Ginthiansiam khut in piaklutna a hung nei u'i. Zia hun ahin Upa Pauchungnung Vaiphei of Salem Church in Pathian kianga kipak thugenna leh amau a dinga malzawlina dawt piakna a nei hi. Tutianga CKKP member Bible khut ah ziksuak mi 11 atinna ahitai.

3. Biakin suangphuna nei:

Kangpokpi mun ah biakin sak pat ahi theina ding in biakin suangphumna chu Rev. Thanglianmang, Moderator KSP in Dt. 22nd July 2018, Pathianni'n a nei tai. Zia hun hi Sadar District a pat upa bangjat hem tawh Kangpokpi branch church awptu Upa khupmang te'n a uap thei u'i. Kangpokpi mun ah kochuamte hi mi tawmcha ahiu in a hung piting jelna ding un pauchapna'n deljuu jel a pawimaw hi.

.....xXx.....

Beigual Sermon

HALNA

“Nangma ah la mite a limtheina ding uneihihal kit lo ding la hem?” (Sam 85:6).

By: Rev. S.T.Kaia Vaiphei

Thumapui: Hun leh kumte hung kihei in tukum September-2018 'Beigual' tha tiang i tungto kittau a, ziachan tiang ei pui tungtu Pa Pathian chu lopina changta hen! Beigual tha i hung tunto uh tawh kitawn in chavang hun nuam leh pawltak ding le thilphak in a um ta, malam ah hunthak mu kinem pum in i sepgimnau leh buainate'u septha'n lungthim thakpu in tu beigual sung a hin thagau lam ah kisuhal thak ding in mitin i kichial uh ahi.

Beigual Umzia: Beigual hi chu ahi. Kumbul a pat in bi-bang tina a hem? Beigual ti hi akin i hung kikhawmto ua, Mizo pau ah 'Beirual' ti a pat ei a kikhawm ngaite kikhawm pau ah direct ah kiletawd ahi. zingziang, a kikhawmlote la Himaleh a kiledawdhan hi a hung kikhawmngai chuam diaklo chu a hung kikhawp 'sep' ahiloleh 'bawl' tina ahi. theina ding uh leh thagau lam Chun 'rua' chu 'khawm' ahi- ah kochuam hal thakna ding ah lo leh 'hawn' (group) ahilo leh pankhawmna leh sephawmna 'gual' tina ahi. Tichun, eipau chu ahi. Beigual a hin kochuam ding a chun 'sephawm, sepgual, bawlkhawm, pankhawm' insuan tin chawttei ding tina khat penpen hi hileh dikzaw a um chuam diak pua, maleh ding ahi. Zou te'n 'Sepgual' a biakin hung kikhawm ngai- tiu a, ziachu a umzia diktak chu beklote kochuamte'n a in ua i ahi. va kanthaknau ahiziak in apha tho ahi. Beigual in a tuppi pen chu kochuam thagau lam ah hal thakna ding (revive) ahi pen hi.

Beigual in a Tup: Beigual in a tup chu kochuamte thagau lam ah pankhawm sephawm Eimite hi kumbul a pat

khawmpi, u leh nau kin, lou nasep leh thil dang dang ah hung buaisek i hui a, maleh tuhin hunthak chavang i hungtun tákziak un khawmpi chuam chuam masang, Christmas leh Kumthak um masang ah kochuam mi zosia huap ah thagau lam kisukhalna ahi.

Halna Umzia: Halna ahilo leh Limna, kipakna chu sappau 'Revive' apat lakdaw ahia, zia chu hattalo, bangma sem zotalo chu suk-hal, suk-hin kit tina ahi. Oxford Dictionary ah chun a umzia tak chu khawhetalo khawhiatsak kit, suk-hin kit, chawtho, sukthak kit, kaithaw kit tite hi a huamvek hi. Zia a chung ah i genteu hi sakhua ah leh khawvel thil ah a umzia ahi gel gel hi. A chawmlam ah gen in 'kochuam halthakna' ti le hen dik pen ding ahi. Zia halthakna ah chun mihiam hi a matchak (instrument) himaleh a khawl kipei saktu (dynamode) a ngai a, zia chu ThagauThiangtho ahi. Tichun ThagauThiangtho panglo in halthakna a um thei puai.

Halna Hung KipatDan: Halna revival hi kum 1780 lai vel ah siamphat kochuam (Reform/

Protestant Church) ah hung kipan ahi. Siamphat kochuam hung kiphudaw pan chun dan le kivaipuakna lam mumal a neinailo zia in zia ding bep chu ngaitua in amau sung kiventup ding dan ngaitua in dai a kikaikhum a, a kiphudaw a pat kum 200 sung vel chu thagau lam ah keu in a hul thaziang ahi. Thagau lam halna a pawimaw mama a, ginglote lak ah Jesu hukdamna chanchinpha puanzak leh gam lak malak in amau dai kikaikhum in tui kiting gual in luangdawktalo in a kiting den in ma a sawn theita puai.

Halna in a Tup: Halna in a tuppi pen chu Jesu hukdamna chanchinpha masawna ding leh kipuan zakna ding ahi pen hi. Tulai eimau kochuam ding in halna hi chanchinpha masawna ding ahi tawh kitawn in kochuam taksa leh thagau lam dinmun khantona ding leh masawna ding ahi.

Kochuam hallo chu a khangto thei pua, kochuam hallo chunna a semzo puai. Halna umlona kochuam chu kochuam ipmu ahi. Kochuam lim chun mite Pathian lam in a hip sek hi. I kochuam leh pawlpi in mite a

Awle! khanglai zia Gold- en Jubilee ahi NANG PAN LA GAW EM? Mite pang zia leh chia zia ka chia/pang hilo a, midangtet ettawn Khanglai Khristian khualzin i hi apawimaw'i.

Khaile! 3rd Week January 2019 chu a nai tiatti- at a hidungzui in, i chung ua kinga, i mawpuaknate'u awimawna umlo a i zawchiat theina ding un i umna mun chiat un pauchap zing hitiu.

Khawvel hi bangc-

han dam a, bangchan um di ka hem ti ka hetlo zia in. zia thu ka sim daw leh ka la hiat apat in ka ipmutna zalkhun a pat in, ala vuang ka hila ka kihedaw a, Lalpa lopina din ka damna leh ka malzawlna dawnte hi mawk umpi mai tapuang ka tithei chiat din Lalpa ei malzawl chiat ta hen!

.....xXx.....

PAUCHAP LEH A PANG DINGA PHA LASAKTE HUN SAWL IN!

HUN NUNUNG AH PATE ZANGAINA CAMP-2018

(KSP, EOC leh RCG kigawm in a bawl)

Ahun: October 4-7, 2018

Amun: Gilead Tlang, Kawnpui, Churachandpur.

Gam chuam chuam ate missionary na i sep zinglai un, eima insung ah mangthai zingte hi kihiatlo sak thei ahi puai. I Lalpa Jesu hi a mang khat gunchu taka hawltu ahia, tuni i muzing i suapi, i u leh nau mangthai zingte hi'n kumtuang hinna a nei theina dingua lamdik kawkmu dingte chu i hui ahi.

Lalgam nasepna bakkhat-

HUN NUNUNG AH PATE ZANGAINA CAMP *ding ahin nang le pauchapna tawh la pantheina lam kawnga tawmngai hun sua ding in pathian min in ka hun chial u'i.*

Organising Committee, HNPZ

(Ui cha mei-âm chuankha gual in) theitawp sua chiat in pan lak zing ahi. “Ui tui khulo a sa’i.” a tigual uh kha a hi. Thada zo hitan lau maw? ti chu tithei mawng ahi. Lobawl mite’n le bulak masang a chawldamna hun anei sek gual ua CKKP member-te hi vak kichawl zawt ahi.

Mani umna leh sepna mun chiata ahun tunkal ngakla leh, zia hun a dinga Suty la dinga kimansa chiat um ka hitau. “Bawi nang bek inji nei mai tia, tia a sawl ua le ei mawk sawl jiang da tiam uh, a khawi abang chu hileh CKKP Golden Jubilee mang phawt ka tin ziazaw chuleh, awl in lunggel hitiu” ti’n a dawnhu hi’h atiu chulam.

Unit tinte amau talent chiat mimal leh group in nasa takin aki singsa chiat tau a, a tam zawte’n Mess man di nangawn a pezou tau.

Pathian i chung ua alungdam naka, gen a i gendaw ngal ua le ei lawtin ngei in ah ti chu kei uh le ka kinep nau ahi. Pathian hepina zal liauliau in leh chapona thu hilo in, kochuam leh mimal, nu leh pate

kiphal ziakin, khawmpi sunga nek ding Anchang zosia a um ta, Video sponser ding a um kit bawka, Me di SIAL-2, VOK-5, BAWNG-2 mi kiphalte apat mu ahitai.

Ziagual lawma mi a kiphal leh a tawmngai lai ahi’n nang bangin pan lagaw em? Khanglai la hi hunlai nite kha vak nungthil tia, zia gual lawm ah mawlsawmna la dawn lai ah ki hetmil sak mai maw la guat? CKKP a liangvai dante kha vel gengen kit maw la ngai!

Golden Jubilee tawh kituak ah Khanglai la hi khak hi vangpha kisalo la hem? Government/Private a sepna la nei a, munchuam, gamchuam ah la um ziaka CKKP member khat la hina le thupi gello ziang la hi em le?

Nang bang in la pang diam? ti dawtna aw ngak la hi leh, nang kiang khel ah kuama’n hung dawng khello maithei ahi.

Kei bang in ka pang diam? Ken bang ka bawl diam? ti dawtna bawltu la hi guat zawk ding ahi. pang diam? ken bang ka bawl diam? ti dawtna bawltu la higuat zawk ding ahi.

hiplona zia hi thagau lam ah a hallo zia ahi. Tichun, halna hi chanchinpha kipuan zakna ding leh kochuam masawmna ding ah Pathian thilpiak ahi. Zia halna hi dawtna zia ah kochuam in a dawngthei a, England/Welsh gam halna chule kochuamte dawtna zia ah a gam in a dawn ahi.

Ei Hihal Kit Lo Ding La Hem:

Sam no. 85na hi Korah chate pakna la phuak ahi. Korah chate hi Jerusalem tempul ah pakna la sa pawl ahiu. Zia Sam hi Israel chate Babulon ah a saltannau apat a gam uh Jerusalem ah a kilekit nung ua phuak ahi. Jerusalem a tunning ua chun Nehemia, Ezra leh Zerubabel lawi malatna’n Jerusalem tempul chu tundaw kit ahi ta, maleh mite chun amau inchen khawsak kisiamdaw ding bep ngaitua in a gam uh puitung kit pa chu a gel phaktalo uh ahi. Babulon ah a um lai ua chun zalentak in um tho maleu a khawpi’u Jerusalem leh a tempul chu a ngai ma mau a, Sam no. 137: i et chun “Sal ah ei mante’n Zion La sa ding in ei-sawl ua, mi gam ah teh in Lalpala bangtin sathei ding ka hui em? Aw Jerusalem! kahiatmil kit ahi

chun ka lei hi ka dang chung ah bekden mai hen” tite in a kitiam hial uh ahi. Himaleh Jeusalem a tun kit ua chun Pathian pakna chu kithawng ziang ah lim leh kipak ma mau leh kilawmtak chu thagau lam dinmun in a keniam ma mau a, kochuam a chun limna kipakna a um thei lo ahi. Ziagual dinmun a chun a um laitak un Korah chate hin i chângtel uh “Nangma ah la mite a limtheina ding un ei hihal kit lo ding la hem?” ti hi a la phuak uh chu ahi.

A langkhat kit in Korah chatehin Pathian angaina ma mau a, Sam no. 84 i et chun Pathian leh a tempul a ngainat dan uh kichian tak in mu ahi. Jerusalem tempul thak a chun thiampu nasepna zosia chu Levi suante a changvek ua, Levi chi ve tho Korah chate ding in tempul a chun Pathian nasepna ding mun a awn tâklo zia in a hung kiphin tau a, a tawp in pakna la sa pawl ah pansak ahiu a, A la phuak uh tamtak Sam bu sung hin a um a, Asaph chu a lapawlhotupa’u ahi.

Awle, eimau kochuam le thagau ah halthakna umlo ah Presbyterian dan, bawl dan,

chia dan ngawn pan ah mite khensek i hiu em, ahilo leh eimau dan ah dai i kikaikhum i hiu chun kochuam hal leh pun malak in chau deu deu in mite del jâm deu deu ding i hiu. Un-aute haw, kumbul a pat eima khawsakna ding ngaituana zia ah sep leh bawl ah i buai ma ma nate'u septha'n tu beigual apat hin thagau lam khawsak ding

dan ngaitua in thagau lam an thak in kisuhal thak hitiu. "Aw Lalpa tu beigual sung a pat bek hin thagau lam in ei hihal thak lo ding la hem? Halna kangai ui-Lalpa" ti in dawn hi tiu. Lalpan simtute malzawl ta hen, Amen.

.....xXx.....

NAUPANGTE PAUCHAP DAN APAT ZILLAI.

Naupang khat ngai deu a pauchap, nau cha lim khat ei pe teitei ou..zing khu ka birthday ahi.

A-upa: A ngaina lawm lawm e, Pathian chu a bengngawng la sak maw!

Naupang: ka he chu, i pu khu a beng ngawng thim a chu.

Nu: Zan la pauchap sek em la ipmut di kuan phat le?

Naupang: I ka pauchapsek hi.

Nu: Zingkal la thaw phat le la?

Naupang: Pauchap ngailo, khua vakta chu ka lau ta puai nu.

Zia naupang pauchapna apat ahin gingtute'n pauchapna i nei hun phat le Pathian sanga i pauchapna'n a kaw khat umsa pauchap thei ahidan a mu thei hi.

Chun, gingtute'n Pathian i bawldan uh a le hiatthei hi. Nawp sak hun leh kipak hun a Pathian pawimawlo a, lungdawng leh lau hun chau ah Pathian pawimaw khak thei ahi.

.....xXx.....

Golden Jubilee Thilna..

NANG LA PAN/CHIA GAW EM? CKKP GOLDEN JUBILEE AHI!

~Upa Liansomthang
LEADER, CKKP

Ngakla um leh ginna mit a ithilzing uh CKKP GOLDEN JUBILEE hi bangtiang tung la tau em? A limsak peile umtalo la hiu em? Thada zo gam la tau maw? Kuama a phusa lawk le la um um tapuau a, a chawlgua chu la hisam puau maw? Gen ah la gendaw ngal ua leh pitin tei chu hawisamlo di?

Aw. zia a chungah dawtnate beplo a dang tampi dawtna siam ut leh dawng ut i um uh ka ging cha'i. Khenkhat chu zia gual dawtna pawimaw gello ah a hun leh ni ding ngakla mama i umkit zel le taksan a um hi.

Awle! amasa hiat dinga pha chu "vanpi git leh tek git leh kawlphe zawtzawtlo in lui tui a let thei a. Si-al ham chuai chuailo inle Akcha Si-al in Akcha chu a man sek hi." A chungah dawtnate hi awlchan vak dawnhu hitiu.

Pathian zalin zia tiang hi a kitungtai ti het chian theina din Leilon mun in JUBILEE suang (3x11. Rs. 45,000/-) val man chu puak tung ahitai. Sawtlo nung leh zikzaw hintin, suang sangpen leh hawipen ah gen-

phak dikhawp a Leilon Biakin mai ah hung ding daw k paitan a.

Khut ngei ah Bible (Gen-Thupuan) zik suak ding khanglai laka muzaw le hidinga ginchak a umlo lai in leh, Pen buaipi man le um talo a PHONE mai buaipi gam hita dinga ngaitua ahi zinglai in, ngaitia! danglam tak in mi 10 val hial in KSP Office hung thaklut eita ve'u!

Chuleh, tuni tiang in vel dawt ngailo in Ginna thutiam leh Phut thawte apat in sum chu tuilian in a hunglut zungzung a, a kitiamna'u leh a kiphut zat tawmsa hile kilawm khawp in a maisuate'u mu ahi.

Mani mawpuakna chiat sukbutinlo khak ding lau in

tu'masang sâng ah nisîn phial ahin a pung tiat tiat hi tileu hin genkhial him him puai tiu. Khawpi sung leh khawchate ah khamthei bawl khangthak, pawsal bep hilo numei tiang le a dim in a dim thasan ziang tai. Khamthei bawl ah in leh lo lum belna châng hetalote bep hilo in, khamthei thilte ah sumkawlvei bang chu a tam mama ziang tai. Numei leh pawsal kâlah thânhuainate, gûk-châknate leh hiamngâmnat'e'n i gam uh a chûmzota ahi. Biak In hawi leh pha tamtak mu'ding a um in, vêngtin phial ah Biak In i nei chiat un, kipâk le a um mama ziang hi. Pathian thugen leh lasak thiam i tam ua, nisîn chanchinbu leh social media lam tiang ah chanchinpha sim ding a kivât himhim puai.

Ahileh, biakna lam ah pitin lam manaw ah i kihiat zinglai ua gitlona chuamchuam nisîn phial ah pung hulhul ziangte hi bangti ahita diam? Ziagual gitlona chîngte kiang ah kha chanchinpha i gen khâk nailo uh ahi mai diam? I gentau khala; camp leh Crusade tele i bawlpi zingtau khala! Ahileh, bang atia a phatchuampi umlo gual ah kilang mai ahita diam? Mani mawpuakna ah sawisel i hilona ding tiang bep ah i sep

ziak uh a himaita diam? Lâinatna panglo chanchinpha i kalsuanpi zia uh i gam uh damthiang theitalo ahimai diam maw!

Sawlchak Paul in chanchinpha zia ah mite a lâinatna dan i hetau hi, Amaziaka chanchinpha a machâl dante le i hetau hi. Pawl khatte minphatna ding bep ama mimal kichawihawina ding bep ah chanchinpha dinpi ala hilo zia i hiau hi. A,ma chun Khrista lawkna ding bep in chanchinpha chu a la tângkopi hi.

Mangthai ding tamtak um nalaite veinatna ngaikhawk zotalo ah, mani masial tak ah hukdamna thu tângkopi sek i hiu chun, "Pathian dawigual ah nasêm, himaleh Pathian dawidân tinglo" gingtu i himai kha diam ti lauthawn a um takzet hi.

Lâinatna tawh kithualo chanchinpha chun chiphatu zo puana e! Thupiak gual ah sêmtu himaleu hin lâinatna a panlo chun Lalpa dawidan ting ah sem bukizolo kha'i tiu ti enchian kawm ah i panthak a pawimaw mama hi.

Lalpa'n simtute zosia ei malzawl chiat hen la, lâinatna tawh kitua chanchinpha kikopi ah a dawidân ting ah sem bukizotei di;n ei hihât thak chiat ta hen. AMEN!

BEIGUAL APAT THAGAU AH KALKHAT BEK MALAM SAWN NGEI DINGIN

~ Rev. Thanglianmang

1. Beigual min umzia leh a kipatdan :

Beigual ti paukam hung kipatna chu Lushei pau ah Beigual ti thumal apat ahi. Bei ti chu ei Vaiphei pau ah Do ahilo leh thunun leh zo dinga nasatak ah panla ti na ahin, Rual ti chu ahawn/alawm/pawlpi(group) tina a hi. Mimal hilo ah pawlpi in thagau lam hatna dinga pan lakhawmna tina ahi pen hi. Gingtute lak ah Beigual hung kibawl patna chu ahileh, gingtu hina a inu leh pa masa'u Mizoram ah i kochuam bulpi'u Presbyterian kochuamte apat ahi. Sap Missionary te'n Mizoram ah kochuam a phudaw zaw'u hun chawmkhat zaw ah thagau ah kisukthakna ding ah kochuam puitu masate'n a guanggal uh ahi. Tichun September tha chu nasemte a ding ah le awllen tha, ah ahet zia un Beigual tha in ahung mang pan ui. Kochuam dangte hawnle a thilbawl uh chu phasa ah entawn in September tha chu Beigual in amang

pan tau. Tichun, hun a chia zel in Mizoram apat Manipur gam Churachandpur Bial ah chanchinpha a hunglut phat in Presbyterian bep hitalo in kochuam dangte hawnle Mizoram-te bawl dan entawn in September tha chu Beigual tha in tuni tiang hin matto in a umta ahi.

2. KSP sung ah Beigual matdan chuamchuamte :

Eimau sung hin kochuam dang hi ziang leh le Beigual hung kipat lim a chun tulai gual ah thupi nei ah thuzil khawm ti haw hi a um puai, kochuam tin in amau dawidandan ah programme siam in a lemchan dungzui un thagau ah hat theina ding in a mang mai sek ui. A hinla hun leh phat a hung chia-to jel in kochuam in thupi khat zilkhawm a beigual tha mat ding chu lawk jaw ding ah ngaituana a nei tau. Tichun beigual thasung ah thupi jilkhawm ding tel dawkin a siamtu ding le teldaw in a um ta ahi. Zia gual ah chiadan chu kijuito jel in tuni tiang in

thupi kisiyam chu kochuamte'n gun tak ah beigual thasung in jilkhawmna nei ahi. Ei lak ah beigual matdan tangpite chu zia a nuai ah gual hi ahi :-

- (a) Kochuam khenkhat in beigual thasung pumpi chu biakin ah zan sin kikhawpna mat ahi.
- (b) Kochuam khenkhat in Upa Bial ah kikhen in kikhawplo nitak chacha leh tual upa leh upate mapuina'n In tin ah kikhawpna mat ahi. Thupi jilding kipete jilkhawmna leh pauchap khawmna mat ahi.
- (c) Kochuam khenkhat in bial ah kikhen seselo in Intin ah kikhawpna leh pauchapna nei ahi.
- (d) Kochuam khenkhat in kikhawp nitak chacha leh Biakin ah kikhawpna mat ahi.
- (e) Khenkhat in thugentu ding mi bangzat ahem guat in biakin ahem, In ah kikhawpna hiziang leh le amau in a mapui sek u'i.

3. Beigual in a dawih leh a thiltup :

Beigual matna'n a tup pen chu thagau lam ah mimal tin leh inkuan tin kisiyam phat

ding ahi pen hi. Nangma leh nangma thagau lam ah kisi-amthak ding ah kiha bawl ding leh midang panpi ding ah panlak ding chu beigual thiltup ahi zing hi. Mimal tin in eima chiat ah setan thepna i jaw theina ding in lawi leh pai-te tawh thagau ah kipawl khawmna phatak a pawimaw hi. Setan inle mimal a chang ah khawsakna ahin ei ngam diak in, mi tampi umkhawmna hin vang ei ngamlo ahi. Ziakiachun, thagau i hatlonate kochuamte tawh pangkhawm ah i do ding ahi. Chuleh, kochuamte'n setan thepna thang ah tangte, etsakna ju leh sa, sum leh pai, taksa thanhuainate leh thil dangdang a pat hukdaw ding chu beigual thiltup pakhat ahi. Jesu khawvel ah a lenlai ah a thiltup leh a nasep chu taksa leh thagau ah saltangte zosia pawtdaw sak ahi. Zia gual ma chun ei hawnle i kochuam sung ah taksa leh thagau ah saltangte hukdaw ding chu i mawpuak nau ahi.

4. Nang bang gual in la kising-sa em.?:

Khawvel ah thil himhim hi thilkhat ahung tun masang ah kisingesakna hawitak a um chun a lawting in a nuam sek

ahi diam? Hilo e! amau nei val khete sang ah a nei khamkham, anngawl ah a um ziang theina ding paisa a piakziak khan Lalpa Jesu a sukha zaw ahi chu! Thupi tak vang ahi.

Mun khat kit ah chun, Pathian, keima hi midang gual ah negu, diktatlo leh angkawm ka hilo ziakin leh, zia sedawlpagual hile ka hilo zia in la chung in kipak ka kipak hi. Hapta khat sung in nivei an ka ngawl in, ka nei tapo sawma khat ka pesek hi", atia(Lk.18:11-13). Ziagual pauchapna sang ah thupizaw ding ka hekha ngai nai pua, nialkalna ding le kavak mu'zianglo ahi. Pakchat a um mama hi; himaleh, ki'ngaitawm mama kawm ah pauchap, van lam ziang ale dadawk ngamlo, "Pathian, kei migilo ka hi, ka chung ah jangai in", ti ah pauchaptu chu thiamchang in a um zaw'i ti imu ahi.

Tuni hin, eima lam hinkhua ah chanchinpha tawh kituak ah i kalchawi dante'u hi Lalpa dawigual ah sem leh bawl hi'zing ngal a Lalpa dawidan tinglo um kha'ngai hitiu ti tak-san a um hi.

Chanchinpha nasep dan tawh kituak mama kawm ah kochuam leh khawtang ah

panlatu i umzing lai ua hin, Lalpa dawidan ting ah nasemtu i hi'nau em ti ki-etchian thak apawimaw mama hi.

Sawlchak Paul hinkhua hi la sui diddet kha ngai em? Khatvei a la sui himhim tia, thupi mama ziang vang ahi. Chanchinpha lam ah chun mi pian hun ah pianglo gual in a kigen a, a gen gual ma in a hi him hi. Gingtute nasatak ah sawisatu kha a hi'ngai na'i. Ahin, banggual bep ah Khrista hi a muchian ah, banggual bep thuguk Damaska dai kiang ah kha ala genchuam ahidiam a hidiam uh tile ka ngaitua ziang sek hi. Chanchinpha zia ah a han-sanna thuguk gending tamtak um maleh, lainatna taktak tawh chanchinpha a vâkvaipi dan hi thupi mama ziang vang chu ahi. A lekthawt zosia thukhâkna hin lainatna tak tak nei ah chanchinpha a vâkvaipi hi ti hi muthei in a um hi. "Chibai kibuk tua un, Chibai ei la buk piak un, Hepina la kiang un um taken" tite ahin thukhâkna a siam sek hi. Chanchinpha zia ah a nasepna hi gasualo ah a um ding a dawih himhim puai ti chu a lekthawt ahin muthei ahi.

Tulai i gam dinmun hi i ngaitua chun, gitlona huaisia,

Pathian dawigual ah sem himaleh,

PATHIAN DAWIDAN TINGLO.

Mr. K.Chung Vaiphei, Kangvai

Dawigual leh Dawidan hin kibatlona a nei hi. “Dawigual” iti hin a bukim nailo zia ei hiatsak a, “Dawidan” iti hin vang i ngaitua fel nung ah thupukna a etsak hi. Chuleh, midang lim kizik/siam himaleh ama a ahi pua, ama gual melpu ah siam leh zik tina ahiziak in a taktak gual ah siam leh zik himaleh ama chu a hithei diak pua, “ama gual” itizaw sek u’i. Ziagual-machun, chanchinpha tawh kitawn ah i nasepnate’u hin, Lalpa dawigual ah nasepna leh Lalpa dawidān ting ah nasepna hile gingtute hinkhu ahin a umthei ngei hi tih muthei in a um hi.

Mi hausa tangval khat chun Jesu kiang in, “Kumtuang hinna ka nei theina ding in bang thilpha ka bawl diam? atia, Jesu chun thupiakte kha zawm ding in a hil hi(Mat.19:16-19). Ziana hin, Lalpa dawigual leh dawidan chu muthei in a um hi.. A neulai apat thupiakte zawmtu ala hizik in pakchat le a um mama hi. Ahileh, kumtuang hinna chu chang thei ngal ding ah dawnhuna dawng mai leh kilawm tak ahia, bang atileh, kilep mang kit ziangthei ahitamai diam? Pathian dawigual ah thup[iakte chua neilai apat ala zawm hitamaleh, a hausatna sukha thei ding tiang thupiak a dawn kit phat in awl in a la kilep mang hiau ta, Pathian

dawidan chu a la tingzo talo kit mai ahi.

Chuleh, mi hausate chun thawlawm tamtak tak a khiaklai ua khan, meithainu chun sum-eng paisa pani a vakhia, zia chu Jesu’n a mu, “titakzet in ka hil la hiu, thawlawm bawm ah khete zosia lak in meithai chaga tak hin a khetam pen hi”, ala ti ahikha (marka. 12:41-44). Thawlawm tam khiak chu Lalpa kipakna hilo a himai diam? Ahiloleh, i Lalpa Jesu chu thawlawm tam khiak chu Lalpa kipakna hilo a himai diam? Ahiloleh, i Lalpa Jesu chu thawlawm tam dawilo ahidiam leh? Mihausate thawlawm ah lung’awi zaw leh kilawm, bang atia sum-eng paisa pani thupi sawzaw ziang

hi. Etsakna - Khristmas matna ding ah kochuamte’n kisingsakna hawitak i nei chun Khristmas chu i taksa leh thagau a kipak mama ban ah i hun mat le a lawting diak hi. Zia guala chun, tukum 2018 beigual hi nangin thagau lam ah bang gual ah mat ding la gaw em? Thagau lam ah la hetlo khatbek hetsa ding leh Pathian nai zawk diakna mat ding la tup em? Thuthak leh lathak khatbek dawng dinga kisingsak a pawimaw hi. Tukum beigual hi nang a di’n Beigual la matna nunungpen hithei ahidan hezing inla, lawktak ah mang di’n kisingsak a ngai hi. Programme ah thugentu leh hun pantu ding ah la pan chun kisingsakna hawitak pum in lunglut takin gen in, lasa ding ah la pan chun taksa leh thagau ah kipumpiak pum in Pathian chawihawi in lawk tak ah la mat theina dingin kikhawp hun masang in kisiamtup zing gua’n.

Chuleh la In ah kikhawm ah hungte chu Khrista zintun in kingai inla, phatak in lamtua in. Thagau ah sungkuan ah la hatlonate’u kha kiphalamlo in kochuamte ma kiphuang dawm in pauchap khawmna

Pathian panpina dawt ding ahi. Bible ah Kornelia-te inkuan kha le kiphak tak ah Peter masang ah a um nau kha Pathian mal-sawmna a dawn nau ahi. Chuleh In ah kikhawm ah chiate’n le In neite hatlonate musit zianglo ah Pathian lam ah a hatna ding ua ziltit leh pauchap piak ding ahi. Pathian pawlna channa ding ahin eiman i bawl thei tiang i bawl masak a pawimaw hi. Thupuan 3:20 na “Ngaitia, kawtkhak bul ah dingin ka ki’u jing hi. Kuale ka aw hia kawt ei hawn chu a kiang ah lut ingka” ti’n a gen hi. Jesu a ding ah kawt hawngta phawt te kiangin ama chu a kiang un a lut sek hi. Chuleh, sawlchak Paul inle ka taksa suak in ka siam in ka thunun sek hi ati kha kochuamte’n le ettawn ding in a pha’i. Khawvel sualna tuifawn ah mangthai mai di’n kiphak kin la, Pathian in ahun dawi jing hi ti hemil ki’n. Ziaziakchun, beigual sung bek in thagau lam ah kalkhat bek malam sawn ngei dingin kising-sa’n aw..

Simtu zosia Lalpa’n malsawm ta hen..

.....xXx.....

HINKHUA MAT DAN DIK CHU BANG A HI DIAM..?

~ Dr. Kh. Thianminlian

Jeremia 29:11. “Nang uh a ding ah ka thil guanggal chu ka hiachian ma ma ngal ah; zia chu tu nung ah la siatna ding uh hilo in, la phatna ding uh, a tung nailo ah kinepna ahi”, Lalpa’n ati’i.

Bible in Pathian launa chu pilna bulpi ahi ati hi. Ka mite hi hiatna tasam ah a um ziak un sukmanthai leh suksiat in a um u’i ti’n a gen kit bawk hi. Eima mihing pilna leh hiatna ziak ah Pathian ma-ang ah thiamchan ding hi vang thil hithei himhim in a lang pua’n, ahinla Pathian lunglam leh dawigual hiatna ding ah chun a masa pen ah Pathian launa hi nei masak a pawimaw pen hi. Zia Pathian launa chun pilna ei pia hi.

Pathian in ei khawtua dan leh ei khawksak dan hi Jeremia 29:11 ah hin chian tak in a tak lang hi. Nang uh a ding ah ka thil guanggal chu ka hiachian mama ngal ah; zia chu tu nung ah la siatna ding uh hilo in, la phatna ding uh, a tung nailo kinepna ahi. Lalpa’n ati’i. La siatna ding uh hilo in, la phatna ding uh chuleh a tung nailo ah

kinepna hi Pathian in ei guanggal piak ahi. Mitin chung ah hin Pathian in i sep di, mawpuakna ei piachiat ahi ti hi hiat a pawimaw mama hi. Gingu natiangte hin le bang cheng ah Pathian khut ah kipiak daw leh kikawl sak ding hi i uai ai mama sek ua, Pathian i ginzawlo ziak uh a hidiam ki enchian thak hi tiu.

Johan 15:5 ah chun, “Keima lo in bangma la hi thei puau hi.” Zia taka Johan ziak ah hin Pathian hiatpilo leh panpilo ah hin mihingte hin bangma i bawl theilo dan uh a kilang hi. Pathian nasepna lam kawng hita hen la, eima mimal suangtuana leh guanggalna mai ahin bangma a gasualo dan hi zia Bible chang hin ei hiatsak ahi. Zia gual chu a hitak leh bang ziak ah ei siampa khut ah bangkim ama khut ah i kaw sak

Khuga Sadar Presbytery min a kivua nung inle 1972-73 sung cheng chu Moderator in a pang hi.

Zia tigual ah Pathian na asep zing lai in taksa hisellona ziakin December 1974 in Alipore, Mission Hospital, Baskandi ah ki enkawl ding in a chia a, maleh damzo talo in Dt. 15th February 1975 ni’n Hospital mun a chun alei taksa hinkhua nusia in Pathian kiangin a chawldam tai.

Rev. Liankhopau hin gil a ga Pathian malsawmna cha 12 a nei ah, pawsal 9 (kua) leh numei 3 (thum) ahi. Pawsal laka chun 2 (pani) suan leh pak nei manlo in fam ala chang tau ahi. Rev. Liankhopau a bei nung hun sawt tak zaw in Pathian in a insung uh kantha kit in kochuam ah a sepbak sem thei ding in a chapa pawsal pani kochuam Upa in Pathian in a tung ding kit hi. Cha leh tute pani M.Th. leh B.Th. leh Evangelist a um hi. Chuleh taksa khawsakna lam inle Pathian in a insung hemillo in a tupa lianpen le Lecturer tiang malzawl na a pia ahi. Pathian chu pak in um ta hen!

A thinunga Award a dawngte (Kochuam lam apat ah) :-

1. Certificate of Appreciation :

Awarded by Independent Church of India, on the occasion of its Golden Jubilee Celebration held at Sielmat Churachandpur, Manipur on the 4th March 2000.

“In appreciation for dedicating his whole life for the service of the Lord”.

2. Certificate of Appreciation :

Awarded by Evangelical Lutheran Church; on the occasion of Tapidaw 50 Golden Jubilee Celebration on 20th February 2004. “As a mark of appreciation & gratitude for being the first Moderator (MGP)”.

3. Distinguish Christian Service Award :

Awarded by Hmar Christian Diamond Jubilee Committee, on the 7th Dec. 1985.

.....xXx.....

khawmpi na'n V.S. Liankhopau chu Pastor ding ah, Rev. Khaivung in Ordination a chan sak hi.

Hun chawmkhat zaw a chun Senvon ah Bible School chu Kangvai ah ahung chawn ua. 1953 kum in Kangvai khua zuan in ahung ua, Maite khua thakhat vel a bang malam ui. Zia hun sung a chun Pastor Lungpau in, pindan sung in sun leh zan in la aphuak sek hi. Ama hi la phuak thiam ah minthang khat ala hi. Pastor Liankhopau hin Pathian in a talent a piak hi a pepa chawihawina'n a mangcha ahi. Pathian chawihawina la (song) 300 val a phuak ahi, a tamzawte chu Maite a cham sung ua aphuak ahi. La phuak bep hilo in Pathian thu gen thiam tak le a hi. Hmar pau leh Lushei pau inle Pathian thu a gen thiam mama ah, a ngai thate'n Vaiphei hi ding in a gingcha ngai puau. Chuleh, ama hin a damsung hun chawmcha sung in khua 270 sanga tamzaw'n Pathian thugen in bial a fang hi. Zia a bial fang lai hi KSP um masanga Independent kochuam hilai ahi. Chuleh, a bialfangna gamte chu Assam gam leh

Burma gam tiang le ala huam kha ahi. Rev. V.S.Liankhawpau hin 1947-1953 sung chu Bible School Senvon in Principal na a sem in, Kangvai mun in 1947-1957 sung chu a sem kit hi,

Kangvai khua Bible School um chu, 1957 kum in Sielmat a chawn kit ahi tai. Independent kochuam sunga nam chuamchuam tawh sepkhawm a lemchan taklo zia in Bible School pu ahina chu haisan in kochuam (Church) lam in Pathian na chu ahung semto kittai. 1957 kum ahin Presbyterian kochuam ah um in, Vaiphei leh Zou mite chun Manipur Gam Presbytery din khawm ahitai. Pastor fulltime ah a sep sung ahin kochuam (church) lam in mawpuakna lian taktak mai Pathian dawisakna zal leh kochuam mipite dawisakna zal in ala tu sek hi. 1959-63 sung in term 5 (nga) hial Moderator, Manipur Gam Presbytery (M.G.P.) in a pang hi. Zia hun lai ah M.G.P. hi Vaiphei leh Zou kigawm ah siam khawm ahi. Chuleh, 1967-68 kum a Khuga Sadar Presbytery chu Interim Presbytery ahi lai inle Moderator ahi kit hi.

ut ngai seklo ahi em? Zia chun a etsak chu bangma dang ahi puau'n, nang leh kei in eima hiatna leh pilna i kisanpi khak sek zia ahi. Ama panglo in bang kawng hita leh i bawl thei bangma a um puau'i. Pathian Lalgam nasepna hita henla, eima mimal sep leh bawl lam kawng ah le Pathian hiatpina leh Ama khut ah i kikawl saklo chun bangma lawtnna taktak gasua ding a um puau'i.

Thupilte 16:14: La nate chu Lalpa kawlsak in, chutichun, la thil guanggalte chu sukpitin piak in a. Mihingte hin i dawi leh tup chi chuamchuam i nga khawp mai un, nicheng ah nek leh chak hawlte hi henla, sumkaw veite ahiloleh, thiamna lam kawng ah kitaitekte haw hin le guanggalna leh duthusam suangtuana chi chuam chuam a kinei chiat ah, ahinla Bible in ei ziltit dan ah chun, "La nate chu Lalpa kawlsak in chutichun, la thil guanggalte chu sukpitin piak in a," ati ahi. Zia haw kawmkal ah mihing duthusam leh suangtuana tamtak lak ah chun Lalpa kiang ah kikawlsakte bep chu sukpitin piak in a um sek uh hi.

Thupilte 19:21, "Mihing lunggil sung in guanggalna tam tak a um in, a bang chu hiziang maleh, Lalpa dawigual bep chu phudet in um in a," a ti hi. I thil guanggalna tampite chu Lalpa dawigual a hi na em; a hilo leh eima dawigual mai bep a hizaw em? I sep leh bawl na kawng ah Pathian dawigual leh Ama khut ah i kawlsak zing hi a pawimaw takzet hi.

Luka 12:7: La samzang zat uh hi le simsuak dimdian a hive'i. Ziakiachun, lau kiu in, vachawng tamtak sang ah lulzaw mama la hui hi. Pathian in ei khawtua dan leh ei khawksak dan hi zia Bible chang ah pat hin le hiatdaw thei ahi. Bang pen tak hi a hi em, Pathian khut ah la ki surrender-na ding ah hung daltu chu? Thim ah nasep ah'em? Pathian lung lamlo ah sep leh bawl nei zia a hi em? Ahiloleh, soal thil bawl ah la tuitum zia a hi em? Tu hun hi ki-etchianna hun pha chu ahi.

Pathian i neilo ahi chun i hinkhua hi lau thawna ngawn in a dim ahi. Lauthawna hi chi chuamchuam a um ah, ahinla bang gual lauthawngna chu hita ziang leh le lauthawna chu

ahi thotho hi. Setan hin mihing lungthim ahin lauthawna a piasek hi. Zia lauthawna chun Pathian lam a ginlana a piansak sek hi. Ginna leh lauthawna hi a kitawn theilo thil ahi. Kristian thi hi ngal ah, hing min pu zing um kha hitiu.

Kawng bangkim ah Pathian khut ah i kikawl saklo phatle Setan in i chung ah pan mun a nei sek hi. Zing ah bang a hungtung ding i hia pu'a'n, mihingte hin i malam ah hungtung ding haw hi i hiatlawk leh mulawk bangma a um pu'a'i. Zia haw kawmkal ah chun i chung ah damna leh phatna ei zangvuk ding chuleh, malam ah kinepna ei pia dinga hung kitiam i Pa Pathian khut in bangcheng in kikawl sak zing leu hin lam zang ding ahi.

Suapite haw, Pathian lama pan la thak kit leu hin, Ama'n i lampi zawtna ding kawng ei kawkmu in tin, eima mimal chiat ah sep leh bawl ei guat piakte haw hi hun guitun sak vek ding a hi ngal ah. Ama panglo in ei him hin chamna leh malam kinepna ei piathe i pu'a'n, chunglam malzawl na dawng ingka i ti chun thu awina tawh

Pathian dawigual ah hinkhua mat hi a lampi chu ahi.

Eima mimal chiat ah Pathian in i sep ding leh bawl ding ei guat piaksa vek a hi. taksa khat ah bak zam chuamchuam in a sep zosia a kibat khello gual in, midangte tawh kitekhin keilo ding ahi. Eima mimal sep leh bawl ding Pathian in ei lemkuat piak dungzui ah thanuam tak leh ginum tak ah i sep tak leh Pathian lopina I latsak theizaw sek hi. Mihing hi kiletsak leh kichapo sakna'n bailam tak in i lungthimteu hi a luadim paisek hi. Mi kiletsak leh chapote hi Pathian in a dawmsang theilo ahi. ah'i'na, mi kingaitawmte chun Pathian ngaidamna leh hepina a changzaw sek u'i.

2Khangthu7:14, "Kamin pu ka mite a hung kingaitawm ua, a hung pauchap ua, ka mel a hung hawl ua, a nunsiatna'u lampi'u a hun kiheisan phat ua le, van ah kipat hun ngai thang ka tin, a gitlonateu ngaidam in, a gam uh hidam kit ding ka hi." Zia Bible chang apat vak hiatthei ding chu Pathian tawh i kikal ah bang in melma a hun siam em ti hiatdaw thei a hi. Kingaitawmna i neilo ahi chun kiletsakna leh

Rev. V.S. Liankhawpau hin Khristian hi dinga a min a khum zaw apat hin Pathian ngainatna liantak mai leh Pathian nasep ding lunggulna nasatak a neita ahi. A lungthima Pathian nasep ding puzing kawm in Tuiluangphai lam ah khualzin in a va chia a. Ziana chun Pu. Thangsum, Evangelist (Mid-Mission) Meitei bial, Alipore ah sem tawh a kimutua'u hi. Pathian na a sepna wp dante chu Pathian inle hiatpi hiding ahia, ama le Pu thangsum gual in Mid-Mission (America Baptist Mission) nuai ah Meitei Evangelist, Alipore bial ah sem ding in 1937 kum vel in Dr. Crozier leh Miss Rose chun a pansak tau. Ama hi mifel leh velvek tak leh a sepna gin um a hijiak Zia la hi a la phuak zosia 304 laka a bawl masak pen ahi.

Rev. V.S. Liankhawpau hin Khristian hidinga a min a khum zaw apat hin Pathian ngainatna liantak mai leh Pathian nasep ding lunggulna nasatak a neita ahi. A lungthima Pathian nasep ding puzing kawm in Tuiluangphai lam ah khualzin in a va chia a. Ziana chun Pu. Thangsum,

Evangelist (Mid-Mission) Meitei bial, Alipore ah sem tawh a kimutua'u hi. Pathian na a sepna wp dante chu Pathian inle hiatpi hiding ahia, ama le Pu thangsum gual in Mid-Mission (America Baptist Mission) nuai ah Meitei Evangelist, Alipore bial ah sem ding in 1937 kum vel in Dr. Crozier leh Miss Rose chun a pansak tau. Ama hi mifel leh velvek tak leh a sepna gin um a hijiak Alipore Baptist Mission ten dawisakna liantak nei in Assam ah Jorhat Bible School ah Bible zil ding in 1940 kum in a sawl tau hi. 1943 kum in Pathian panpina zalin Bible Diploma chu a hun zotai. 1943 kum ma in Pu Thangsum chanu Pi Lamtinkhawl tawh Pathian dan thiangtho in Maite khua'n pastor Lungpau khut in kikhutsuina a nei ui. Bible Diploma Course a zawnung in NEIG mission nuai ah lengluang ah Evangelist na 1945 a sep zinglai in Senvon ah R. Dala Memorial Bible School ah Principal na sem ding in lawi upate'n a kodawk ua. Zia dungzui a chun 7th July 1947 ni kipat in Principal na chu a sem pan tai. 12th February 1948 ni'n Parbung khua Assembly

LATE. REV. V.S. LIANKHAWPAU CHANCHIN (1917-1975)

Khawvel pumpi ah Bible banna lekhabu simnawp um leh pau 70 sanga tamzaw kilet dawkta, mang thusim minthang “*The Famouse Allegory*”, eima Vaiphei pau ngei a le kilet dawkta, ‘*The Pilgrims’ Progress*’ (Gamthiangtho Zinna), ‘*The Holy War*’, ‘*Grace Abounding to Sinner’s*,” ti ala ziktu leh lungkham leh hiatchian nuama Pathian ala buantu, Thomas Banyan, kum 1628 AD ah Bedford, england gama ala piangta gual in Rev. V.S. Liankhawpau hile 1917 kum in Bungkot khua’n a piang hi. Ama hi Pu. Pauzasel leh Pi. Niangzakim chapa panina ahi. A pianzaw kum ni nung in Maite khua’n la pem un, zia chun a hung seilian tai.

Rev. V. S. Liankhawpau hin 1926 kum in Chawngkhaw-zo khua’n lekha ala sim pan a, 1932 kum in Kangvai L.P. School ah Pu. Tualkhawthang nuai in lekha a sim zawm kit in Mangasuba tiang a zo hi. Lekha a sim lai in lekha hiatthei ziaik leh khutzik hawi ziaikin hotute pachakna ala dawng sek hi.

Kangvai ah lekha a simlai ahin, Pastor Khaivung khut nuai in Khristian hiding in 1933 kum in a min khumna a nei hi. 1934 kum in Pastor Khaivung khut in baptisma ala chang hi. A min a khum pat in Pathian hiatchian leh muchian diak nuam in, lungkham leh kinepna tawh ala buan sek a,

*“Lalpa, La thiangtho,
Ei hiatchian sakin, Ei hu ta’nla;*

Lalpa ka lungdawwnna chan ahin..” (Ltt: 8), ti lâ hi phuak hial in Pathian ala ko hi.

Pathian hiat chianna leh kinepna hing a nei nung a chun, Pathian helo ah fam ala changtate khawksakna lungth-ima nei pum in, a kipakna thu la’n ala bawl kika;

*“Tuana ka pi ka pute’u in Kumtu-ang hinna mansua maleu;
Ka Lal Jesu thisan ziaikin,
kei di’n kawt hawn ahitai.
Ziachun, Ama pak ingting,
Mun lopi chu ka tun phat leh,
Khawvel genthei ngai nawt puangka..”* (Ltt: 1).

Zia lâ hi a las phuak zo-sia 304 laka a bawl masak pen ahi.

kichapo sakna i nei ahi mai hi. Chuleh, gitlona hin Pathian apat gamla tak in ei kaw i ahi. Zia tawbang dinmun siatak leh lauthawng um apat hukhin i vak chan kit theina ding ah chun kingaitawm taka Pathian kiang ah kitulut a, pauchapna tawh i nunsiatna lampi i nutsia ding a himai hi.

Joel 2:25, “La lak ua ka sepai tamtak ka hun sawl tak, khaubepi hawn, khauphak hawn leh, thing leh gua nesia khauphakte leh thing nek hat chi khauphak chite’n a neksiat uh kumte chu hun din kit ta’ng ka.” Bang gual din mun ah sia tawp khawk in um

ziangta maleu hin le, i gitlonau kihedawk a, Ama lunglam hawl ah i hung kihei kit chun bangtik lai ah le Pathian in ei nawmang kitlo ding ahi. Gitlo sual ah hinkhua i la mat ziaik ah, manthaina tampi i la tuak tak haw kha le Ama’n hung din kit ta’ng ka, ati ahi. Suapite haw, Pathian hepina leh ngaidamna chan hi ngainep ding gual ahi pua’i. Malam ah kinepna ei piathei Pathian kiang in bang cheng kikawlsak zingta hitiu. Pathian in hun malzawl ta hen!

.....xXx.....

SEPTEMBER BEIGUAL THUPI 2018
KHRISTIAN HINDAN PHA
*Kum 2018 beigual thupi Khristian
Hindan Pha bu, Rev S.T.Kaia Vaiphei
in a siam chu Office ah chawkthei ahi-
tai.*
Rate:- ₹. 70/-

INSUNG SUTUP IN

Nu. Ngaineihat
Chairperson PWF(KSP)

Insung iti hi kochuam sang in a pawimaw masa zaw. Insung khat chu pawsal leh ji kigawm a phudaw ahi. Malzawlina chate a hung um phat leh nu leh pa tawh chate chu kigawm khawmin inkuan siam ahi. School masa pen chu insung ah kizilsakna hi ahi. School masa pen chu insung ahile zilsaktu masa pen chu kua ahita diam? Nu leh pa ahi mai hi.

Inkuan masa pen Adam leh Evi te hi en leuhin, a lawting ah ngai ding ahi diam? a lawsam ah ngai ding? A upa zaw Kaina chu tualthat masa pen leh a neu zaw Abel chu martar masa pen ah tepte ahia. Martar kitina ziak chu a ginna ziak leh a nasep pha thipi ahia, a khatzaw ahile thangthipna ziaka tualthat ahi.

A bang chu hitaleh, nguntakin la thagau lam dinmun la gel kha ngai him him em? Thina, vaihawmna hung tung ding, kumtuang hinna thute, chun van gam leh gawtmun thute hi la sut kha ngai em?

Daum tak chu mi tamtak in hukdamna thu hi ngaikhaw pen in i neilo uh hi in a lang ahi. Sumkaw veina, tisa nawpna, insung khawsak nawpna ding, chate miphak tiang phaksak

guatna haw hi i ngaikhaw pen un a kilang ta ahi. Chate insung ah thu awi taka a um hiat hiat ua lekha phatak cha a sim nak ua le, a thagau lam dinmun uh gelpha keilo nu leh pa tamtak ki um ahi. Khawlai a hung vak hat thim ua, zu leh sa a hun nek phat bep ua le camp a lut ding in i dawisek uh ahi.

Chun, insung pa khat chun pianthakna kichiantak a nei a pawimaw masa pen hi. Insung taksa leh thagau ah vak ding, ji leh chate mapuitu leh kaihuaitu hiding, thagau ah piak hepina tawh ji leh chate etkawl ding, dawichuam/khenkhuam neilo ah chate thuhil ding ahi. Khristian pate hi taksa ah cha nei ding mai hilo, thagau lam ah chate etkawlina (spiritual fathering) nasem ding a mawpuakna piak ahia.

Zia gual thupha leh lopi Jesu thil bawl chanchin i gen zing lai chun, lâ phuaktu khat in ziagual hin lâ a siam ahi. Gingtu vak ngaitua veng veng tia, “*Gitlo haisanlo piakthak; sual hawlo, Mualpho lau maimai gingtu; hinkhua mai ah Pathian nasem,*” tin lâ a la siam ahi.

Kochuam Hotute camping hunkhat a chun, camping a pang hotu khat, Upa a hibaka ji leh cha le neita, chuleh kochuam ah le mi phachuam tak hi a um a. Pathian thu camping a chun pang zing ngal in, lungthim a buaina thuguk khat a nei zia kin a chawldam puai. Ziagual a chun camping ah chun a pang ahi. A taksa camping a pang maleh a lungthim chu camping paw lam a um zing puma chun zia camping chu a mang ahi. Camping matna’u sung pat chun Doctor khat hi telephone in a ho zing hi. Doctor kiang ah a thugen chu nungak khat a sugai a, nungaknu naupai chu damdawi mang cha sukthak ding chu Doctor pa kiang ah a gen leh a buai pi pen chu ahi. A thinlung chu sual in a bum ahi. Zia chu a hi sual hawlo gingtu mualpho lau, a paw khawp mai ahi. Zia camping chu mi tampite a ding in thagau lam kipakna, limna camping himaleh, ama a dinga chun lungthim-

chawldamlona camping ahi.

Lalpa melhiat Jonah kha Nineveh khawpi ah thugen ding in Lalpan a sawlta, himaleh Jonah chu thipbek in Lalpa sawlna chu hezing pum chun ama thu leh lemhiatna’n Tarshish lam zuan ding lawng a chuang in chiamang a gawtai. Kipak tak leh thanuam tak ah a um lai chun a chuanna’u lawng chun buaina nasatak chu ama zia kin a tuak tau. Lawngpote leh lawng a um zosia chu lungkham leh beidawng in a um zotau ahi. Zia hunlai a chun Jonah chu kihiatlo sak leh kithamuan sak in lawng nuai lam in ipmut telem ah ipmulai chu lawng pute’n a va mu dawkhuh ahi. Zia phatchun, Lawng pute’n mi zosia thafang laitak ah kilungmuan sak tak a um Jonah chu a muangmaw tau a, thu a dawt chilphat un, Jonah chun “Lalpa a pat ah taimang gua ka hi,” ti’n a kipuangta ahi. Jonah chu a mualpho tai, maleh mihing mualphona chu Lalpa Pathian a lung awina ahi. (Jonah 1-4). Vanlalsailova lâ in: “*Sual haisanlo Piangthak; Sual hawlo mualpho lauthawng gingtu mai*” ti’n lâ ala siam ahi.

Gingtu zia lim et ahin ki en thak tia, Lalpa Thagau malzawlina la dawn ka ging cha ahi. Lalpa’n a thu malzawl ta hen. Hallelujah...Amen!

PIANGTHAK SUAL HAWLO

~ Pro. Pastor D. Robert Thanga
Shillong.

“Mite ma ah ei kilepsan tapo chu, ka pa van ah umma ah ke’n le kilepsan ingka” (Matthai 10: 33)

Khristian hinkhua hi kidona mun a um i hiu a, Lalpa Jesu’n ama mite a pat in Ama chu thinlung leh titakzeta i zui hi a daw i pen ahi zing lai in, langkhat lam a chun i kidopi uh Diabol (Setan) chun Jesu chu ama dawiguala i zui ding uh pha san ei panpi zing tho ahi. A panpina dawn nuamte din, Lalpa Sathaunu, matchak tak mai Elisha mang cha Lalpa Sepai zahotu Naaman chung a damna a tunsak lai kipak man thilpiak dangka talent sawm, sana shekel sangguk leh kivanna puan tuak sawmte, a pu Elisha pawm piaklo kha, suakpa Gehazi lungthim in Setan thepna chang in ngaituana in a lungthim sung in a suatua ta. Zia thepna chu mualsua gua’n a nungdelta, Naaman kiang in zuau va gen in dangka talent ni leh kivanna puan tuak ni le a va lemlaw kit ahi. Zia chu lawkna leh limna’n a pawm tai. Himaleh, a tawpna a chan chu taksa leh thagau hinkhua a siatna (Naaman phakna chu ama leh a suante chung ah kumkhua’n a um den tai) a changhi ti Bible in i mu chian u’i (2 Lalte 5:1-27). Apawi khawp mai.

Khrista Jesu khawvel ah a hung lenlai a khan, Bethani khua ah cheng Marite sungkuan in Jesu titakzet in a nung a zui un. Zia hunlai a khan, Marite sungkuan khan Jesu a ngainatna ziak un haksatna tampi langkhatlangkhat apat in tuak ding un kaging cha ahi. Hiziang maleh, Jesu a ngainatna’u leh a hepina’u chu a tak in a sulang zing u’i.

Hunkhat chu Marite insung in thina a tung ta; mithi ngai in, mittui tawh hun a mat lai un, a hepi uh Jesu zal in limna thupi tak leh kipakna thupi tak

mite’n a makna e maw! ati ding khawp un a suapipa’u Lazar thita, than a vuisa ni li zaw in Jesu a hung a than khuk sunga pat chun a kaitho kit hi ti Bible in i mu (Johan 11: 1-45). Zia ni zet khan chu Mari te sungkuan a ding in kipakna leh limna bang gual bep in a sang ta dia aw, ti vakngaitua tia. Jesu mite ma eipanpi chu ken le panpi ding ka hi a tia. Alopi in a lam dang ahi Hallelujia...Amen. Khawvel in a beisei theilo Marite insung in a hepi uh Jesu’n a thil bawl piak thawmgi chu a ngaina ding e maw..!

German gam ah in a piak ahi. company thupi tak nei Frederick Flick, a thini’n a chanchin gentu chun zia gual hin a gen a, “ziagual lawm a mi thupi thil hithei leh hausa ahijing lai a chun hatlona/ titlona liantak khat a nei hi, a insung a enkawl zo pu’a. Company thupi tak a enkawl thiam mama a, a insung vang a enkawl thiamlo ahi,” ati’i.

Job in vang lei ah a go thupi pente sang in a chate a thupi zaw’u ti ahia, kumtuang gam chan ah a sawmthei ding go ums’Un chu a chate ahiu ti a hiat ziak in a hun tamzaw a matpi a, khat chale mangthailo ding in a siamdawk ahi.

I gennawp pen tak chu Pa hina hi taksa ah chapa-chanu hing a, go tamtak khawlkhawm piak hi ahi pua, Pa taktak hina hi bangcheng sang in thagau lam ah mawpuakna nasepdaw hi ahi.

A chate ngaikhawk Pa chun chate a ding ah hing ahidan kihian ettawn thei ding in a kisiam ahi. Ahi, Pa hina kiti hi thil maimai ei pu’a, mawpuakna sangtak ahi. A ji a chate’u a dinga puitu, lamhiltu, chingtu, thununtu leh enkawl tu taktak hina mawpuakna Pathian

A langkhat lam achun, Pathian mi mama, nu umlona insung chu insung nuam leh lawting ahithehi ngaipua’i. Pate jem hawitu leh chate a dinga ki-atpi um chu nu pha/nu felte ahiu. Insung kankhawmtu chu Pate sang ah nute ã kinga zaw ahi.

Nute hi Pathian in lul taka a siam ahiziak in thil hitheina le a pekhawm hi. Nu hepina chun zawla a neilo ahi. Pa pha leh mantam tak hung langdawk theite haw hi a langdawklo lam ah nu pha leh felte ziak bang a hinuam mama hi. Nu pha leh felte zal ah cha leh nau mantam taktak le hung piangdawk thei ahi.

Nu pha chun damsung a ding bep buaipilo in, kumtuang a ding tiang a buaipek hi. Banggual ah nu pil leh fel hiziang lechin le damsung a ding bep a fel la hi khak chun nu insung sutup zolo hi thotho ding la hi. Umdan, gamtat dan zosia hung kipatna bupi chu insung ah naupangte nu’n a etkawl dan zil in a kinga ahi. Nu khutsung chu naupangte umdan bawl na dinga matchak pawimaw pen ahi. Nu nasepna mun dinga pawimaw

pen leh Pathian guatna mun chu insung ah chate etkawl a, thupha thuhawi ah khanlet sak hi ahi. Naupangte'n a neulai ua a nu apat a zilte'u a hemil ngai pua'u a, a sang danglam theilo bawk uh ahi. Ziaziakchun, nu a pat thuhawi a zil ua le a hawi ua, thusia a zil uh le a sia ahimai u'i. Chate hi nu limlang ahiau.

Numei a ding in Pathian chawihawi leh a nasepna mun ding in mundang va chia khel hilo in insung ma ma ahi ti hemil pua'i tiu. Insung hi ahi i chate'n kumtuang a setheitalo ding hinkhua a muna ding uh nasepna mun laklak a numei tawh kituak pen chu insung ahi. "Chate hi Lalpa ah kipat I gochan uh a hui a; gil ah ga kipakman a hui," (Sam 127:3). Lalpa'n gochan ei piak hi bang ahi i hechian nam? Pathian in gil ah ga kipak man ei piak hi bang gual in i enkawl em?

Mi khenkhat chu ginchak sang in nei leh lam in a la buai sek ua; go a dik pen a chate, a hemil sek uh ahi.

Pathian in chate hi umzia bei in ei pe pua, thiamna leh hiatna zat chuam chuam tawh thagau thilpiak khat chiat vawp ahiau ti hemil pua'i tiu. Pathian

thilthawn piak chate leh a sung ua um thagau thilpiak matchak dan i hiatthiam a kul hi. "...Lalpa thunnuna leh zilngaina chun kaihuai zaw tau in." (Eph. 6:4b) atia. Zia ding ahin eiman Khris-ta I nei ah, i kithunnun masak angai hi. Eima ah umlopi nu leh Pa a hem i hi man ah chate thunnunna piak hi a lawsam nuam sek ahi.

La thagau dinmun enchian in, piangthak diktak la hi na em? La tunna ding la hechian na em? Paingthak diktak la hi a, tunna ding hechian taktak la hi chun, la insung beplo khawlai a le a muchianlote veinatna nei ngei ngei ding la hi.

Taksa nek leh chak, sil leh chen kiningting in la insung la kawi a, la chate lekha sim din school la kaisak zo a, mi da ni leh kipak ni chawiding la nei thei zing in la um a, zia chu insung sutupzo gual in ki ngai kin. A gam leh dikna hawl masa'n tichun, thil zosia piak belap in um inla. Zia khawvel thil khel lama thagau hinna nei dinga la insung mite kimtak a puilut zoding a siamdawktu la hi chun insung sutupzo hi bep ding la hi. Lalpa'n zia ding a chun tuni hin la insung sutup in

ei ti ahi. Romte 2:19-21na chun, "nangma ngei chu mitthumte vengtu la hi'na chun la kimuan mama ah, thim lak umte salvaktu ah la kihiat ah; mingawlte sudiktu, naupangte hiltu le la hi ah, dan leh thutak chu he ah la kingai leh: Zia gual chu hingal in, nang midangte zilsak sektu, nang leh nang kizilsaklo la hem? Nang gukchaklo ding ti thugen sek chun, nang in la gu sek maw? Angkawmlo ding ti mi hilsek

chun, nang in ang la kawm sek maw? Nangma milim ho ding zada chun milim hona thilte la gusek maw? Nangma dan kisaktheipi chun, dan bawtsia'n Pathian chu la suminsia ta hilo maw?" ati ahi.

K i s i a m t h a k
kitna leh lunggil thagau ah
hinhak ah umna longal in
insung sutup zo pua'i tiu.

.....XXXXX.....

CKKP GOLDEN JUBILEE SOUVENIR BOARD

Article chialna

Ahung tung ding January 2019 le CKKP GOLDEN JUBILEE lawmna um ding ahi dungzui in Souvenir khat le sukdaw ding in lem-sak ahin, zia a dinga chun Article zik nuamte'n zikthei ahi thu Souvenir Board sik in ka hung chial hi.

Word limit : 1500.

Piak lut hun : 30th Septenber, 2018.

Pialut theina ding:

(i). KSP OFFICE, Tuibong.

(ii). Upa D.Mina, Lingsiphai. Editor. CKKP Golden Jubilee Souvenir

(iii). Tv. Kamminlal Leilon, Jt. Editor CKKP Golden Jubilee Souvenir

(iv). Upa Liansomthang, Lingsiphai. Leader CKKP

(v). Pu. Ginthiansiam, Loklaiphai, Secretary CKKP.

(vi). Upa Pauchungnung Vaiphei Chief Editor, CKKP Golden Jubilee Souvenir

Keima Lalgam ah laseppi'u,

Upa Pauchungnung Vaiphei,

Chief Editor

Email id: <pauchungnungv@gmail.com>

Phone: 9862595067.